

Broj: 01-01.3-~~1177~~ /18 AZ
Datum: 04.04.2018. godine

Na osnovu člana 14. stav (3) i (5), člana 18. stav (1), člana 19. stav (1) Zakona o javnim nabavkama („Službeni glasnik BiH“ broj: 39/14, u daljem tekstu Zakon) i člana 7. Pravilnika o javnim nabavkama, direktor Javnog preduzeća „Autoceste Federacije Bosne i Hercegovine“ društvo sa ograničenom odgovornošću Mostar, donosi:

Odluku o pokretanju vanplanske javne nabavke

1. Ugovor za nabavku radova: „Probijanje glavne i servisne cijevi i izrada primarne podgrade cestovnog tunela „Hranjen““ dodijelit će se putem Otvorenog postupka. Kriterij dodjele ugovora je „najniža cijena“ propisan Zakonom i podzakonskim aktima za njegovo sprovođenje;
2. Procijenjena vrijednost iznosi: 70.000.000,00 KM bez uračunatog PDV-a.
3. Sredstva za ovu namjenu utvrđena su u skladu sa Planom poslovanja JP „Autoceste FBiH“ d.o.o. Mostar
4. Služba javnih nabavki će pripremiti svu potrebnu dokumentaciju za provođenje postupka dodjele ugovora putem Otvorenog postupka utvrđenog u dijelu drugom, odjeljak C. Zakona.
5. Tenderska dokumentacija je besplatna i ista će se objaviti na Portalu javnih nabavki.
6. Za ovaj postupak predviđeno je provođenje „e-aukcije“;
7. Provođenje predmetne nabavke izvršit će Komisija za nabavke formirana od 5 (pet) članova u skladu sa Pravilnikom o uspostavljanju i radu komisije za nabavke („Službeni glasnik BiH br. 103/14).
8. Komisija za nabavke izvršit će otvaranje ponuda, pregledati, ocijeniti i usporediti ponude, te dati preporuku za donošenje odluke o izboru najpovoljnijeg ponuđača ili odluke o poništenju postupka nabavke.
9. Ova odluka stupa na snagu danom donošenja.

Obrazloženje

Procijenjena vrijednost nabavke je 70.000.000,00 KM pa se nabavka razvrstava u kategoriju vrijednosnih razreda u kojem je vrijednost radova iznad 9.000.000,00 KM, u skladu sa članom 14. stav (3) Zakona. Postupak će se sprovesti prema odredbama Poglavlja II Zakona.

Prema Planu poslovanja JP Autoceste FBiH za 2018. godinu, u sklopu kojeg je i Plan građenja, predviđeno je pokretanje tenderske procedure za izgradnju LOT-a 1, Faze I, dionice brze ceste Prača - Goražde. LOT 1, izgradnje ove brze ceste čini iskop i primarnu podgradu tunela Hranjen, gdje je planirano da se u prvoj polovini 2018. godine provede tenderska procedura za izbor izvođača radova i stručnog nadzora na izgradnji, kako bi se polovinom godine potpisali ugovori i započela realizacija izgradnje ovog objekta. S obzirom na činjenicu da Plan poslovanja za 2018. godinu još nije usvojen, a da je Odlukom Vlade FBiH br. 08-02-2-1605/17 od 27.09.2017. godine, JP Autoceste FBiH određeno za implementatora realizacije ovog projekta i u tu svrhu su za potrebe izgradnje LOT-a 1, Faze I, obezbjeđena sredstva u iznosu od 70 miliona KM, Uprava društva je dana 15.03.2018. godine donijela Odluku broj: 01-932-13/18 o pokretanju vanplanske nabavke za izgradnju (probijanje) tunela Hranjen.



43

Procijenjena vrijednost za nabavku radova „Probijanje glavne i servisne cijevi i izrada primarne podgrade cestovnog tunela „Hranjen““ iznosi 70.000.000,00 KM bez uračunatog PDV-a. Članom 14. stav (3) Zakona o javnim nabavkama propisano je da je primjena otvorenog ili ograničenog postupka, ili pregovaračkog postupka s objavom obavještenja ili bez objave obavještenja, ili konkursa za izradu idejnog rješenja, ili takmičarskog dijaloga obavezna u slučaju kada je vrijednost nabavke za radove jednaka ili veća od 9.000.000,00 KM, za ugovorne organe iz člana 4. stav (1) tačka b) ovog zakona. Istim članom, stav (5) Zakona propisano je da kada je vrijednost javne nabavke jednaka ili veća od vrijednosnih razreda iz st. (2) i (3) ovog člana, ugovorni organ dužan je dodatno oglasiti i sažetak obavještenja na engleskom jeziku na portalu Agencije i URŽ-a (u daljem tekstu: portal javnih nabavki).

Također, članom 19. stav (1) Zakona o javnim nabavkama utvrđeno je da ugovorni organ iz člana 4. Zakona za dodjelu ugovora o javnoj nabavci primjenjuje otvoreni postupak, kao osnovni i redovni postupak, što znači da za primjenu istog nije potrebno ispunjavanje nikakvih dodatnih uslova.

Na osnovu svega navedenog JP „Autoceste FBiH“ d.o.o. Mostar pokreće otvoreni postupak za nabavku radova: „Probijanje glavne i servisne cijevi i izrada primarne podgrade cestovnog tunela „Hranjen““. Shodno navedenom odlučeno je kao u dispozitivu.



direktor

Adnan Terzić, dipl.ing.



th

Broj: 01-932-13/18

Datum: 15.03.2018.godine

Na osnovu člana 27. Statuta JP Autoceste FBiH d.o.o. Mostar br.1.1-3923-4/16 od 30.11.2016. godine i člana 10. tačka 3, člana 11. Poslovnika o radu Uprave br. No 1.01-2131-8/14 od 10.04.2014. godine, Uprava na sjednici održanoj 15.03.2018. godine, donosi

ODLUKU

o pokretanju vanplanske nabavke za izgradnju (probijanje) tunela Hranjen

I

Uprava JP Autoceste FBiH d.o.o. Mostar donosi Odluku o pokretanju vanplanske nabavke za izgradnju (probijanje) tunela Hranjen na trasi buduće brze ceste, dionica Prača – Goražde.

II

Procjenjena vrijednost za vanplansku nabavku iz Člana I. ove Odluke iznosi 70 miliona KM.

III

Ova Odluka stupa na snagu danom donošenja.

Obrazloženje

Prema Planu poslovanja JP Autoceste FBiH za 2018. godinu, u sklopu kojeg i Plan građenja, predviđeno je pokretanje tenderske procedure za izgradnju LOT-a 1, Faze I, dionice brze ceste Prača - Goražde. LOT 1, izgradnje ove brze ceste čini iskop i primarnu podgradu tunela Hranjen, gdje je planirano da se u prvoj polovini 2018. godine provede tenderska procedura za izbor izvođača radova i stručnog nadzora na izgradnji, kako bi se polovinom godine potpisali ugovori i započela realizacija izgradnje ovog objekta.

Gradnja ove dionice brze ceste bi se realizovala u dvije faze:



Imajući u vidu da Plan poslovanja za 2018. godinu još službeno nije usvojen, kako ne bi došlo do daljih kašnjenja u realizaciji Plana, potrebno je pokrenuti proceduru vanplanske nabavke sa ciljem objavljivanja tendera za izbor izvođača radova i nadzora na izgradnji ove saobraćajnice.

Shodno navedenom, odlučeno je kao u dispozitivu ove Odluke.

Direktor
Adnan Terzić, dipl. ing.

Dostavljeno:

1. Članovima Uprave
2. a/a

